

Madrilgo eta Gasteizko Barne sailek elkarlana sendotuko dute

Antoni Asuncion eta Rafael Vera Ardanzarekin eta Atutxarekin bildu dira

Madrilgo eta Gasteizko Barne sailek elkarrekin segituko dute lanean, «orain arte bezala» ministroak esan eta sailburuak berretsi zuenez. Madrilgo barne arazoetako buruek Donostian eta Gasteizen izan ziren atzo Antoni Asuncionez ministro izendatu ondoren egin duen lehen bidaia ofizialean.

FELIX IRIARTE / GASTEIZ

Jose Antonio Ardanza lehen-dakaria eta Juan Maria Atutxa Barne sailburua Rafael Vera Segurtasunerako Estatu idazkaria, Jose Antonio Agiriano EAEn Espaniako ordezkaria eta Asuncion ministroarekin bildu ziren Ajuria Enean ordubetez. Bisita bi administrazioen arteko harremana berresteko balio zuen. «Orain arteko ildotik segituko dugu, eta posible izanez gero areagotu egingo dugu elkarlana», adierazi zuen ministroak.

Atutxak ildo beretik jo zuen: «Elkarriketa elkar ezagutzeko eta lanean hasteko izan da». Bileran gai berezirik ez zituztela jorratu argitu zuen, bestalde, sailburuak.

Asuncion, goizean, EAEko hiru gobernadore zibilekin eta Goardia Zibileko eta Poliziako arduradunekin bildu zen, Donostian. Bileran, Ferran Cardenalek eta Carlos Conde Duque, Goardia Zibileko eta Poliziako arduradunak hurrenez hurren, hartu zuten parte Agiriano, Asuncion eta Verarekin batera.



Antoni Asuncion Barne ministroa Ajuria Enean izan zen atzo Ardanza eta Atutxarekin.

OLALDE

ARRIETA Asuncionez eta Atutxak ezer gutxi argitu zuten bilerari buruz. Adierazpen gehienak Joxeaustín Arrieta HBko legebiltzarkideak idatzi omen duenaren inguruan egin baitzuten. Bat etorri ziren biok Arrietarena espero zutela esatean, eta baita ere, «aurrerapausotzat» jotzean. «Garbi uzten du HB ez dela bloke monolitikoa, nahiz eta euren artean kontraesanik ez dagoela dioten», esan zuen ministroak.

Asuncionez, gainera, uste du Arrietaren bigarren idatzia —non faxaren erabilera salatu zuen— «aitzakia» dela. Minis-

troaren ustetan zerbait idazten denean, iritzi publikora iristeko helburuarekin egiten da, eta hori omen zen, bere aburuz, HBko lagunaren asmoa.

Atutxak berretsi egin zuen Asuncionen adierazpena. «Bat nator Asuncionez», adierazi zuen, «aurrepausoa izan da, baina ez da nahikoa. Egunero antzerako erreakzioak entzuten ditugu, baina hala ere, ez da EAJk espero zuena. EAJk hori baino zerbait sakonago espero du».

Ministroak, bestalde, beste gai askori heldu zion. Belgikako ustetza bi etakideei buruz esan zuen asilo eskaera Belgikak atze-

ra botatzea espero duela eta bergizarteratze neurriei buruz aldatetarik ez daudela ziurtatu zuen. «Gizarteak bergizarteratzea onartzea EAJko presoen zeregin izan behar du», esan zuen eta bergizarteratze neurriek ez dutela «orokorrak» izan behar berretsi zuen.

Atutxak gaitzetsi egin zuen bide judizialari heltzea azken asteetan izan diren gora beherengatik, eta prentsaurrea eskaini zuenean «Egin-eko» operazioa azaltzeko, gaia ez zegoela sekretupean ziurtatu zuen. «Prentsaurrearen ondoren jarri zuen epai-leak sekretupean», adierazi zuen.

Gaur aztertuko du EAJ Albisturren proposamenak sortu polemika

GASTEIZ

Eusko Alkartasunako batzorde eragilea Gasteizen bilduko da gaur Xabier Albistur EA-EUE koalizioako diputatuak EAJri Madrilan egin zion lankidetzarako eskaintzaren ondotik sortu den egoera aztertzeko. Euskal Autonomi Elkarteko autogobernuari dagozkion gaiak elkarrekin defenditzeko proposamena egin zion Albisturrek Iñaki Anasagasti EAJko diputatu bozeramaileari. EAJko batzorde eragilea datorren astelehenean zen biltzekoa gaia aztertzeko, baina aurreratu egin du bilera.

Gasteizko Legebiltzarra gaur goizean egingo den plenoaren ondoren bilduko da EAJren batzorde eragilea, Vasco Press agentziak atzo jakinarazi zuenez. Hala ere, Albistur ez da bilera horretan egongo, bestelako «konprometuz pertsonalak» dituelako, bere inguruko iturriek adierazi zuten.

Albisturrek gainera, baldintza batzuk jarri ditu EAJrekiko lankidetzaz aitzortu behar duen batzorde eragilearen bileretara joateko. EA-EUE batzorde mistoa berehala biltzea da Albisturrek Oliveriri jakinarazi dion baldintzetako bat. Bere kontrakoak deritzen adierazpen publikoak egin dituzten EAJko kideen zuzenketa ere eskatu du eta azkenik, «anonimatotik» bera kanporatzeko eskatu duten pertsonekin ados dagoen ala ez esateko.

Galdosek EA-EUEren laguntza du aurrekontuak onartzeko

DONOSTIA

Eli Galdos Gipuzkoako diputatu nagusiak eta EA-EUEk aurrekontu bat lortu zuten atzo Diputazioaren 1994eko aurrekontuen inguruan. EA eta EUEtik beren batzarkide taldeek osoko zuzenketarik ez aurkezteko konprometua lortu zuen Eli Galdosek, eta ondorioz, datorren asteartean, Gipuzkoako Diputazioako gobernu kontseiluak onartu ahal izango du aurrekontu proiektua.

Aurrekontu honen bidez, EAJk eta PSE-EEk beharrezko gehiengoa dute aurrekontuak aurrera ateratzeko, tal-

deren batek osoko zuzenketa aurkeztuz gero ez lukeelako behar beste boto lortuko Gipuzkoako Diputazioaren aurrekontu proiektua atzera botatzeko.

Galdos eta EA-EUEko ordezkariak goiz osoan izan ziren bilduta atzo. Laugarren bilera izan zen Eusko Alkartasunak eta Euskal Ezkerrak gobernagarritasuna laguntzeko prest zeudela adierazi zutenetik. Gipuzkoako Diputazioako gobernu kontseiluak aurrekontu proiektua onartu ondoren, Batzar Nagusietara bidaliko dute, datorren astean ziru aski, eta han eztabaidatuko da.

PSNren abstentzioaz gainditu dituzte Nafarroako aurrekontuek zuzenketak

IRUÑA

PSN-PSOE abstentitu egin zen atzo IUk eta HBk UPNren aurrekontuei aurkeztutako osoko zuzenketen bozketan. Nafarroako sozialisten erabakia medio, espero zenez Foru Parlamentuak atzera bota zituen bi osoko zuzenketak. Gabriel Urralburu PSNko buruak azaldu zuenez, bere alderdiak batetik ez zien aurrekontuei bidea itxi nahi, eta bestetik zenbait irregulartasun atzematen zituen horietan. Horren ondorioz, erabakirik zintzoena abstentzioa zela ondorioztatu zuten sozialistek.

Mauricio Olitek HBren ize-
nean defenditu zuen talde aber-

tzalearen osoko zuzenketa. Irigarri bezala, abertzaleek diru gehiago eskatu zuten lurralde antolakuntzarako, 2.000 milioi langabeziari aurre egiteko eta dirulaguntza gehiago euskararen sustapenerako, besteak beste.

Rafael Gurrea erregionalisten idazkari nagusiaren arabera, abertzaleena «gezurrezko osoko zuzenketa» izan zen; izan ere, «esate baterako, udalei 7.000 milioi gehiago ematea proposatzen dute, hau da, kupoa desgertaraziz, eta haiek ongi dakite hori ezinezkoa dela, kuporena aurretik hitzartutako erabakiak baitira».

Felix Tabernak IUkoen osoko zuzenketa aurkeztu zuen parla-

mentarien aurrean. IUren aburuz, «egungo krisi egoeran premiazkoa da defizita oraindik gehiago areagotzea, gehiago inbertitu ahal izateko». Juan Ramon Jimenez Ekonomia eta Hazienda kontseilariaren esanetan, UPNren aurrekontuak oreka lortzen saiatu dira. «Batetik defizitaren aurka borrokatzen saiatu gara, eta bestetik krisialdiaren ateraldia inbertsioan topatzen saiatu gara».

Bestalde, Nafarroako Gobernuak oposizioako alderdiek aurrekontuei aurkeztutako zuzenketen artean 103 atzera bota zituen, dirua nondik aterako den zehaztu gabe aurrekontuen arazoak definditzen zutelako.